

# SEGUNDA CARTA DEL APÓSTOL SAN PABLO A TIMOTEO

---

## Pablo escribe a Timoteo

**1** Nuguigö, dúr Pablo, úr jmandaderogui car Cristo Jesús, dí pejpigö-ca. Cam Tzi Tajü jítzi xí hñixquigö pa gu nzoj yu cjahni, como ncjapü gá mbeni guegue. Guejtjo xí xijquijü, da ttajquijü hnar ddadyo nzajqui ca jin da tjegue, göhtjo yu to xí hñeme car Jesucristo, como guegue-ca bú bbejni hua jar jöy pa bi möxquijü. <sup>2</sup>Nuque, Timoteo, dí penqui nar carta-na. De vera ncjahmü um bajtziquigö, dí ndo nequi. Cam Tzi Tajü jítzi yojmi cam tzi Jmuju Jesucristo da núqui co cár tzi ttijqui cja da möxquigue pa gui hmuy rá zö.

## Dando testimonio de Cristo

<sup>3</sup>Dí öjpi cjamadi ca Ocja bbu dar mbenqui. Pa ur xuy dí öjpi da möxquigue. Dí pejpigö cam Tzi Tajü jítzi göhtjo mbo um muy, ncja ngu nguá ndeni guegue cu ndo um titaju. Cja como jin dí ndujpíte, jin dí pehtzi um tzö grá cuati ca Ocja. <sup>4</sup>Di mbem bbu ndú jueguehui, gú nzoni, cja nuya cjuá dí ne pé gu ccajtiqui, pa pé gu mpöjmi.

<sup>5</sup>Guejtjo dí mbengö, rá zö guir hñeme ca Ocja. Ncjapü mír hñeme quer chujchu, car Loida, cja hñeh quer me, car Eunice. Cja dí padi, guejtique, guí emetjo hneje, göhtjo mbo ir muy.

<sup>6</sup>Nuya dí mbembiqui, gue ca Ocja bi ddahqui quer bbeñi cja co cár poder pa gui yojmi-ca, cja nugö, dú uxqui yam dye, dú xihqui güi cague úr meñi ca Ocja. Nuya, gui zedi, gui dyöti car bbeñi ca bi ttahqui, pa jin da bbeh cár ttzedi ca Ocja ca xí ddahqui. Jin da jñejmi hnar tzibi ca i juititjo como jin gui ncjajpi ncaso. <sup>7</sup>Ca Ocja xí ddajquijü cár tzi Espíritu, pa ya jin gu ntzujü. I föxquijü cár Tzi Espíritu pa gu zedijü, gu madijü guegue cja co yam minga-cjahnijü. Guejtjo i ddajquijü jogui mfeni pa gu øtijü ca rí ntzöhui.

<sup>8</sup>Nuque, Timoteo, dyo guí pehtzi ir tzö grí dö quer testimonio, grí xij yu cjahni digue cam Tzi Jmuju Jesucristo. Guejtjo, dyo guí pehtzi ir tzö por rá nguejquigö, ca rí cjojqui födi. Gui mbeni, i cjojqui por rá nguehca dár pejpi car Jesucristo. Nuquigue, gui tzejti cu prueba hneje, como nucá, i tzöhui göhtjo

yá to i man cár palabra ca Ocja, ncjaguigö, dí sufri hua. Ca Ocja da möxqui pa gui tzejti hneje. <sup>9</sup>Car Tzi Ta jítzi xí ngúzquijü ca rá nttzo ca xtá øtijü, cja xí nzojquijü pa xtú tenijü car Jesucristo cja gu hmüpju ncja ngu ga ne guegue. Nugöjü, jin te xtú øtijü ca rá zö pa gua tzøpijü ca Ocja, pe guegue bi juiguijü cja bú pejni cár Tzi Ttá pa bi möxquijü. Desde ya má ndo yabbü, bbü jim be mí bbüj nær mundo, ya xquí mben cam Tzi Tajü jítzi di gúzquigöjü ca rá nttzo ca xtá øtijü, por rá ngue cár tzi ttijqui. <sup>10</sup>Cja nuya, ya xí nigui te tza rá ngu cár jmajte ca Ocja, como bú eh car tzi Jesucristo, bi hmöh madé pa jin gua bbedijü. Bbü mí bböhti-ca, bi guzquijü göhtjo ca rá nttzo ca ndí tujü. Cja bbü mí jña úr jña, bi dapi car dü, ya xi mí pehtzi car nzajqui ca jin da tjegue. Guejtigöjü, yá to xí hñeme nær evangelio, masque gu tujü, pé gu nantzijü hneje, cja gu pehtzijü car nzajqui-ca hneje.

<sup>11</sup>Nuguiö, xí hñixquigö ca Ocja, dúr jmandadero pa gu man nær tzi ddadyo jña digue car Jesucristo, gu nzoj yá cjahni. Xí cjagui úr apóstolegui car Cristo, hneje. Guejtjo xí ttixqui pa gu ujti cü cjahni cü i bbüy göhtjo tema lugar, gu ujti nár palabra ca Ocja. <sup>12</sup>Por rá ngue nær bbefti nu dí øhtibi ca Ocja, dí sufri. Pe jin dí pehtzi um tzö ca rí cjojqui födi, como dí padi, por rá ngue ca Ocja dár sufri. Guejtjo, dí padi to úr tzi dye xtú cuati, cja rá nze guegue pa da mezqui rá zö, göhtjo co nær bbefti nu dí øhtibi guegue. Bbü pé xtu eh car

Jesucristo, jin gu bbedi, guejtjo jin grá hmeditjo ca xcrú pejpi-ca.

<sup>13</sup>Gui mbeni ja i ncja car palabra ca xtú ujtiqui, como guehca i ddajquijü car ddadyo nzajqui ca rí hñe jítzi. Car palabra ca xtú xihqui da sirvequi ncja hnar muestra pa gui jequi cü pé ddaa cü da tsjihqui. Gui ten ca xtú xihqui pa gui segue gui ten car Jesucristo cja gui maj yá pé dda cjahni yá i eme. <sup>14</sup>Gui jña ur huenda pa jin da huanihui hnahño palabra car mensaje ca xí döjtiqui ca Ocja, como i ntjumay car mensaje-ca. Como dí yojmü car Tzi Espiritu Santo, guegue da möxqui pa gui segue gui ujti yá cjahni car palabra ca ncjuani.

<sup>15</sup>Nuque, pe ya xcú dyøde te xpá ncja bbü ndrá bbüh pü jar estado Asia. Göhtjo cü hermano cü rá bbüh pü, jin gá ne gá möxquigö. Dú öjpi di cjaü testigo por rá nguejquigö, pe jin gá nejü. Guejti car Figelo co ni car Hermógenes jin gá möxqui hneje. <sup>16</sup>Nu car hermano Onesíforo xpá hñecua Roma, xí möxqui guegue. Ca Ocja cam Tzi Tajü da ndo nuhtibi cár familia car hermano-ca, porque guegue car Onesíforo xí möxqui rá ngu vez, cja jí mí pehtzi úr tzö drí hñecua di ccajtigui hua jar födi. <sup>17</sup>Bbü mí zøcua jar ciudad Roma, bi ndo hño, bi jiongui hasta bbü mí döjqui. <sup>18</sup>Guejtjo bi ndo möxqui car Onesíforo bbü ndár bbüh pü jar jñini Efeso, ncja ngu guí paque. Dí öjpi cam Tzi Jmujü Jesucristo da nú car cjuada-ca co cár tzi ttijqui, car pa bbü xta ttähtibi ur huenda yá cjahni.

### Un buen soldado de Jesucristo

**2** Nuque, ʌm bajtziquigö, gui zedi pa gui sirvebi ca Ocja, cja da möxqui co cár jmajte car tzi Jesucristo. <sup>2</sup>Gui juajni cʌ dda hñøj cʌ i eme rá zö núr palabra ca Ocja cja i cumpli ca i ma, cja gui ujti cʌ palabra cʌ dú mangö. I bbʌ rá ngu testigo xí dyødeju ca ndí ma. Cja cʌ hñøj-cʌ, da nxödiju da ujti cʌ pé ddáa.

<sup>3</sup>Gui tzejti ca guír sufri, ncjahlmʌ gur sundado gri sirvebi car Jesucristo, como ndejma i sufri göhtjo cʌ to i pejpi-ca. <sup>4</sup>Hnar sundado, bbʌ i bbʌ jar ejército, jin gui tzö da bœni pa pé da dyøti hnar negocio, como i nesta da ungui ʌr mʌy pa da dyøti ca i man car comandante ca i mandadobi.

<sup>5</sup>Guejti hnar hñøj ca i ini tema juego, jin da ttun cár premio bbʌ jin gui ini ncja ngu ga mam pʌ já regla. <sup>6</sup>Gue car cjahni ca i pejpi quí juaji i pehtzi derecho bbeto da jñajqui car cosecha, como guegue xí pefi. <sup>7</sup>Gui mben yʌ ejemplo yʌ dí xihqui, cja ca Ocja xta ddahqui mfeni pa gui ntiende ja da ncja grí pejpi guegue.

<sup>8</sup>Guejtjo gui mbeni ja i ncja car mensaje ca xtú emejʌ. Car Jesucristo bú bbejni hua jar jöy, pa bi cja ʌm Tzi Jmujʌ. Bi hmʌy digue cár cji car Rey David, ncja ngu xqui man ca Ocja, ya má yabbʌ. Bi du, cja pé bi nantzi. Cja nuya, i bbʌy pa göhtjo ʌr tiempo. Gue nʌr tzi palabra nʌ dí tunguigö. <sup>9</sup>Por rá ngue nʌr palabra-nʌ, dí sufri, hasta i cjojqui födi, i hnajqui cadena, ncjahlmʌ guir ndujpitegö. Nu cár

palabra ca Ocja jin gui nccahtzi por rá nguehca rí cjojquigö, i ntunguitjo-ca. <sup>10</sup>Nugö, dí tzejti cor pöjö göhtjo ca dí sufri, porque dí ne pa da ntungui car palabra-ca. Da ncjapʌ drí hñeme car Jesucristo cʌ cjahni cʌ xí juajni ca Ocja, pa da döti car nzajqui ca ntjumʌy cja da hmʌpjʌ car Jesucristo göhtjo ʌr tiempo pʌ jabʌ i tsjöjtibi.

<sup>11</sup>Ya xcú dyødeju yʌ palabra yʌ i ma ncjahua:

Bbʌ dí ungui ʌm mʌyʌ gu tenijʌ car Jesucristo, masque xín dá bböjtiguijʌ, Guejtjo gu nantzijʌ pa gu hmʌpjʌ guegue.

<sup>12</sup>Bbʌ gu tzejtijʌ, gu tenijʌ car Cristo hasta ʌr gatzi, Bbʌ pé xtu eje, gu föxjʌ cár jmandado.

Bbʌ gu cœnijʌ, gu majmʌ jin dí tenijʌ car Jesucristo, Guejtjo hneje xta gønguijʌ, xta ma, jí í cjahniguijʌ.

<sup>13</sup>Masque gu jejmʌ car Cristo, ya jin gu emejʌ, pe guegue ndejma da cumpli ca xí ma, Porque i ntjumʌy guegue, jin gui tzö da dyøti ntjöti.

Cierto ca i man yʌ palabra-yʌ.

### Un trabajador aprobado

<sup>14</sup>Gui mbemi cʌ pé dda hermano te i man yʌ palabra-yʌ, tzædi, gu tenijʌ cam Tzi Jmujʌ hasta ʌr gatzi, masque xín gú sufrija. Guejtjo, gui mbemi-cʌ, bí jantiguijʌ ca Ocja, göhtjo ca te dí øtijʌ. Cja pé gui ccahtzi, gui xijmʌ, dyo dé di mbömbijʌ palabra cʌ jin te i mporta. Cʌ to i øti ncjapʌ, jin tema provecho i tötijʌ, cja dé i huenijʌ.

Guejti cū pé dda cjahni cū da dyøde, xní hueni cū hermano-cū, jin da ne da hñeme car palabra ca ncjuani. <sup>15</sup>Nuquigue, gui jioni ja grí dyøti quer bbefi pa da tzøh ca Ocja, cja pa jin da nesta gui pehtzi ir tzø bbu xquí hmöh pu delante guegue. Gui ujti rá zø yu cjahni núr tzi palabra ca Ocja. Guejtjo gui xijmu te i ne da ma, como guejna i xijquija ca ncjuani. <sup>16</sup>Jin gui cjaipi ncaso cū cuento cū i man cū dda cjahni. Jí rí hñeh ca Ocja, nxøgue bbetjri, cja jin te i sirve. Cū to i eme-cū, ya xní ma da bbedi, porque hnajpa ngu hnajpa, i ngujqui ca rí dyøti ca rá nttzo. <sup>17</sup>Nu cū mfeni cū i ujti cū pé ddaa, i jñejmi hnar jñini ca i tsjifi ur cáncer. Car jñini-ca, nguetica ga ngujqui, ga zín cár cuerpo car cjahni ca i tzøhui, ncjapu ga möhti. Ncjadipu hneje, cū palabra cū jin gui cierto, da dyøhtibi mal cū to da hñeme, cja pé da ntungui, da hñeme cū dda cjahni cū máhmeto mí eme car palabra ca ncjuani. Xí dyøtihui ncjapu car Himeneo cja co car Fileto. Gueguehui i majmi hnar palabra ca jin gui cierto, cja xí jiøtihui cū dda cjahni. <sup>18</sup>Xí jieymi car hñu ca rá zø, cja xí hna mandihui, ya jin da nantzi cū cjahni cū xí ndu. Ga majmi, yam tzi muyju, ncjahmu bi jña úr jña bbu ndú xixtjeju, nu num cuerpoju xta mpundi bbu xtá tjuju. Co nur palabra-nu, ya xí tjøti cū dda cjahni, xí jieymu ca mír hñemeju car palabra ca ncjuani. <sup>19</sup>Nu cū cjahni quí bajtzi ca Ocja, i ntjumuy-cū. Jin da jieymu car palabra ca cierto. I jñejmu hnar ngu ca xí ttøhtibi cár cimientto gá medo. Car ngu-ca,

ncjahmu xí ncuajti hnar letrero pa drí fadi to úr mejti. Yu yojo texto yu xí ncuajti pu, i xijquija ja ncja da jmeya quí bajtzi ca Ocja. I ma ncjahua ca hnar texto: “Ca Ocja i padi to cū cjahni quí bajtzi guegue.” Cja ca pé hnar palabra i ma: “Ca to i nzojtibi cár tjuju cam Tzi Jmuju, da jiegui göhtjo ca rá nttzo.”

<sup>20</sup>Púr ngu hnar rico, i cja rá ngu clase cū moji, rá ngu cū bbada, co vaso, co pé dda traste. I bbuh cū ddaa xí ttøte gá oro, cū ddaa gá plata. Cū ddaa xí ttøte gá za, co guejti cū ddaa gá jøytjo. Cū ddaa i ncupa pa gue cū i ntjumuy, cja cū pé ddaa ya, i ncupa pa cū jin gui ntjumuy. <sup>21</sup>Bbu dí neju da cupaguiju ca Ocja, da ddajquiju hnar bbefi drá zø, i nesta gu cjaju ncja ngu hnar vaso gá oro ca xí tsjati cja jin te di tu ca drá nttzo. Nubbu, car hora ca da ne da cupaguiju ca Ocja, ya xcri bbujcøju, cja da jogui da bbejpiguiju tema bbefi gu øhtibiju.

<sup>22</sup>Gui mbengue-nu, cja jin gui dyøti cū cosa rá nttzo cū i øti cū dda bajtzi hñøj. Nuquigue, gui hmuy ncja ngu rí ntzøhui yu to i jon cam Tzi Jmuju Jesucristo göhtjo mbo úr muyju. Gui hmuy gá honrado, gui dyøti ca ncjuani cja gui cumpli quer palabra, gui mah quir hñohui, cja gui hmubi rá zø. <sup>23</sup>Dyo guí ntzixihui cū cjahni cū dé i ne da dyøni nttøni jøntsjetjo pa da dapi gá palabra cár minga-cjahnihui. Cū cjahni-cū, jin gui padiju ja i ncja núr palabra ca Ocja. Bbu dé gui ñahui-cū, llega da dyøjtiqui jueni. <sup>24</sup>Nu ca to i pejpi cam tzi Jmuju, ncjaquigue,

jin gui tzö da huenihui cü to i öni nttöni. I nesta da ñahui cor ttijqui, da jion car manera ja drí xih hnar palabra ca drí hñeh ca Ocja, cja da perdonabi bbü te xtrú dyøhtibi.

<sup>25</sup>Da nzofo rá zö yu cjahni yu jin gui ne da hñeme, cja da segue da xijmü car palabra ca ncjuani. Quien quita ca Ocja da nzojtibi quí tzi müyju pa da repenti cja da hñemeju nur evangelio. <sup>26</sup>Yu cjahni-yu, i bbü úr dye ca Jin Gui Jo. Guegue-ca i pehtzi gá preso cja i cjaipi i øhtibiju ca i ne. Pe bbü da hñemeju car Jesucristo, nubbá, da bøniju jár dye ca Jin Gui Jo, cja da jogui da dyøhtibiju ca Ocja ca i ne guegue-ca, bbü.

#### Cómo será la gente en los últimos días

**3** Gui dyøjque ca gu xihqui ya, pa gui padi ter beh ca da ncja cü pa cü ba eje. Drá ndo nttzo cü cjahni, cja drá ndo ntji drí zøjpi yu to i ten nár palabra ca Ocja, como da ttøhtibi prueba rá ngu. <sup>2</sup>Da mben cü cjahni jøñá ca i ne guejtsje guegueju, cja da ndo ma úr müyju car domi. Da ndo hñixtsjeju, cja da majmü, rá ndo zö ga hmupju. Rá nttzo drí zaniju ca Ocja. Jin da dyøjti quí ta, quí meju, cja jin da gradecebi ca xí dyøhtibi-cü. Jin da mbeniju ca Ocja, nim pa da zujü-ca. <sup>3</sup>Jin da mah quí minga-cjahniju, cja jin da nú cor ttijqui. Da jøxi bbetjri quí hñohui, jin da penti quí mfeni, da cja úr cueju. Da tzajte cja da ntujniju, ncja ngu cü zuwe rá nttzo. Jin da ne cü to i øti ca rá zö, cja jin da hñihtzibiju cü jogui cjahni. Da ujü-cü. <sup>4</sup>Da dö quí

amigo jár dye quí contraju. Jin te da zujü cja jin da ntzohmiju. Jin da dyøh bbü to da nzojmü. Da majmü, más rá zö quí mfenitsjeju. Jøñá yu cosa yu i cja hua jar mundo drí ma úr müyju. Nu ca Ocja, jin da jioniju-cá. <sup>5</sup>Cü cjahni-cü, da majmü i emejü ca Ocja, pe jøndi xøtze da nigui ncjahmü i teniju. Bbü to da ccahti quí vidaju, xta badi, jin gui cierto ca di teniju ca Ocja, como rá nttzo ca i øtiju. Nuquigue, jin gui ntzixihui cü cjahni-cü, cja jin gui nzojmü ncjahmü di hermano. <sup>6</sup>I bbüh cü dda fejtí hermano cü i mantjo i eme ca Ocja, pe i jøjtetjoto. Guegue-cü i jon car manera ja drí guati jáy ngu cü dda cjahni, pa drí ujti hnahño mfeni cü jí rí hñeh ca Ocja. Cja ya xí llega xí jiöti cü ddaa. Xí jiöti cü bbejña cü segue i joni hnar hñü ca jí bbe i padiju. Segue i pöti cár religiönju. Como i mbendi cü cosa jin gui tzö cü xí dyøtiju, dé i jon car manera ja drí dabeni cü cosa-cü. I joni tema cosa o tema ddadyo hñü ca da pøjpi quí müyju. Ngueticá ga jtöti cü bbejña-cü. <sup>7</sup>Dé i øjmü tema ddadyo palabra, pe jin gui ne da deniju car palabra ca ntjumy rá zö. <sup>8</sup>Cü jiøjte maestro cü i ujti cü bbejña-cü, i jñejmi cü yojo brujo cü mí ntøxtihui car Moisés. Nucü, mí ju quí tjujuhui car Janes co car Jambres. Ncjadipu hneje, rá pa ya, cü jiöjte maestro i contrabi yu to i majmü nur palabra nñ ncjuani. Jin gui tzö quí mfeniju, cja jin gui cierto car palabra ca ba ja guegue-cü. <sup>9</sup>Ba eh car pa bbü ya jin da jogui da jiöti cü cjahni, porque ya xta fadi, jin gui cierto ca i majmü. Bi ncjadipu hneje cü yojo

brujo cə mí ntøxtihui car Moisés cja mí øti ntjöti milagro. Guejti-cə bi fadi, mí jiöjte-cə, cja ya jin gá ttemebihui, bbá.

**El último encargo de  
Pablo a Timoteo**

<sup>10</sup>Pe nuque, Timoteo, xcú ten car palabra ca dú ujtiqúi. Nugöhui, xtú hñohui rá ngu, cja xcú ccahtigue ja i ncja cam vida, ja ncja dár pejpi ca Ocja, göhtjo mbo ım møy, cja co ja ncja dár eme guegue. Xcú ccajtigui, dí pehtzibi paciencia yım mĩnga-cjahniyü, dí majte, cja jin gui caxi ım møy bbü i ttøjtigui tema cosa ca jin gui tzö. <sup>11</sup>Guí padi te tza ngu dú sufri bbü mí ttøjtigui tujni. Guí padi ter beh cə bi ncjagui pü jar ciudad Antioquía, co pü Iconio, hneh pü Listra. Bi ccanqui doo cə cjahni, bi døncaddigui. Ya mí tchädipü di bbøjtigui. Nu ca Ocja bi guzqui göhtjo cə peligro-cə.

<sup>12</sup>Cierto, bbü to i ne da den car Jesucristo, cja da hmüh hnar vida ca da tzøpi, jin da bbeh ca to da dyøhtibi tujni. <sup>13</sup>Cə pa cə ba eje, da ndo nguıjqui cə cjahni cə da ntøxtihui nür evangelio, cja co cə jiöjte. Guegue-cə da hñeme cə dda palabra cə jí rí hñeh ca Ocja, cja pé da jiöti yü pé dda cjahni pa da hñeme ncjadipü, hneje.

<sup>14</sup>Pe nuque, gui mbeni cə palabra cə xcú nxödi cja xcú hñeme, como cierto-cə. Guejtjo guí padi, jin gui metjri cə cjahni cə xí ujtiqúi cə palabra-cə. <sup>15</sup>Nuque, desde bbü nguı tchü, xcú padi te i man cə Escritura. Xcú nxöh-cə göhtjo ir vida, eso, xcú padi ja ncja güi töti car nzajqui ca jin da tjege, cja xcú

hñeme cam Tzi Jmujü Jesucristo.

<sup>16</sup>Cam Tzi Tajü jitzı xí ddajquiyü göhtjo yü Escritura. Guejtsje guegue bi xih quí mefi cə palabra cə bi jñux-cə. I sirve cə Escritura pa gu padiyü ja i ncja ca Ocja, cja i föxquiyü pa gu meyajü, como ngu car hñü ca rá zö, como ngu cə hnahño mfeni cə jin gui cierto. Gue yü Escritura i huentiguiyü bbü dí øtiryü ca jin gui tzö, cja i xijquiyü car hñü ca ncjuanı ca gu teniyü pa gu hmüpü hnar vida rá zö. <sup>17</sup>Ncjarü, yü Escritura i xih car cjahni ca i sirvebi ca Ocja göhtjo ca i nesta da badi pa da hmøy rá zö, cja pa da pejpi ca Ocja ncja ngu rí ntzöhui.

**4** Bı jantiguiyü cam Tzi Tajü jitzı, co car Tzi Jesucristo. Bbü pé xtu e guegue-cə pa da mandado hua jar jöy, da jñampi ır huenda yü cjahni, ncja ngu hnar nzöya. Da ccahti toca i ndujpıte cja co toca xí dyøti ca rá zö, tanto cə cjahni cə ya xtrú ndü, como yü di bbøjtjo. Eso, dí mbembiqui digue quer cargo, nuque, Timoteo, cja dí xihqui, gui mben ca Ocja, cja gui pejpi göhtjo mbo ir møy. <sup>2</sup>Gui segue gui man nür palabra ca Ocja, gui mpegui gui ujti cə cjahni, göhtjo ır tiempo, masque da ttzanqui o da jnuıqui rá zö. Gui ccahtzi cə to i ne da deni palabra cə jin gui cierto. Gui huenti cə to i øti ca rá nttzo. Gui nzoh cə to jin gui ne da dyøjti nür palabra ca Ocja, cja gui zetibi í møy cə to i teni rá zö. Jin da dyaxi ir møy ca grı nzoj yü cjahni, pe guejtjo gui pehtzibiyü ır ttijqui. <sup>3</sup>Gui mpegui, gui xij yü cjahni nür palabra ca Ocja, menta i cjadi tiempo. Como ya xpa eh car tiempo bbü ya jin da

ne yu cjahni da dyødeju car palabra ca cierto. Da gustabiju da dyødeju bbetjri, hasta da jioniju rá ngu maestro cu da xijmu hnahño mfeni cja co hnahño hñu pa da tzøpi guegueju. <sup>4</sup>Nu pu jabu i jmandi núr palabra ca Ocja, ya jin da guati pu cu cjahni. Da jieymu núr palabra ca Ocja pa da guatiju pu jabu i ttujti cuentotjo. <sup>5</sup>Nuque, gui mbeni rá zö ja ncja grí hmuy cja co toca guí teni, cja gui tzejti ca rá u por rá ngue car Jesucristo. Gui uni ir muy gui tungui car evangelio. Gui cumpli rá zö car bbefi ca xí ddahqui ca Ocja.

<sup>6</sup>Nugö, ya xta tjaguigui num vida, ncja hnar zuwe ca ya xta jñahtibi ca Ocja. Ya xqui guehpü da bböjtigui, gu tzocö nur mundo. <sup>7</sup>Ya xtú tzöbbe rá ngu cum contra, cja co hnej yu prueba, cja xtú tjaja rá zö. Xtú uni um muy, xtú øti nur bbefi xí ddajqui ca Ocja, cja ya xtrá cjuajti. Xtú pehtzi rá zö núr mensaje car Jesucristo. Ncja ngu gá xijqui guegue, ncja ngu xtá xij yu pé ddaa, cja ya xí ntungui núr tzi palabra ca Ocja. <sup>8</sup>Nuya, dí tømhi car premio ca xí mezqui ca Ocja pu jar jítzi, como xtú øti ca rá zö. Nu cam Tzi Jmuju, ur jogui nzöya-ca, da ddajquiju cada hnaaguigöju ca rí ntzöhui, según ca xtú øtiju. Jin gui jønguistsjegö da ddajqui hnam premio, sino göhtjo cu pé ddaa cu i ne guegue cja i tømhi car pa bbu pé xtu eje, guejti-cu da un cár premioju, hneje.

### Instrucciones personales

<sup>9</sup>Nuque, Timoteo, gui mpegui gu eje pa gui ccajtigui tza, jin gu dé. <sup>10</sup>Como ya jin gui bbajcua car

Demas. Xí hna nzoguigö, xí ma xcá ma pu Tesalónica, porque xí ma úr muy yu cosa yu i bbajcua jar mundo. Guejti car Crescente cja co car Tito, ya jin gui bbajcua hneje. Car Crescente ya xí ma pu Galacia cja car Tito xí ma pu Dalmacia.

<sup>11</sup>Jøña nur Lucas dí bbubbe hua. Bbu xcuí hñeje, gui tjoh tzu pu jabu rá bbuh car Marcos, cja gu tziji, gu ejmi. Nuca i jogui da möxqui co núr bbefi ca Ocja. <sup>12</sup>Nu car Tíquico, xtú pejni pu jar ciudad Efeso. <sup>13</sup>Bbu xcuí hñeje, gu canqui tzu cam manga ca dú tzoh pu Troas, pár ngu car Carpo. Guejtjo gu tjenqui cum libro cu dú tzoh pu, cja jin gui ma gui dabeni cum jehmigö, hneje. <sup>14</sup>Nu car Alejandro, car juihti, bi ndo dyøjtigui ca rá nttzo. Ca Ocja da cohtzibi cár castigo. <sup>15</sup>Nuque, gui mfödi hneje digue car cjahni-ca, pa jin te da cjahqui, porque i ndo contrabi núr palabra ca Ocja nu dí majmi.

<sup>16</sup>Bbu mí ttzojnquigö pu jar juiticia car primera vez, jin to mí ne di möxqui gá testigo. Bi wembigui göhtjo cum amigo. Dí øjpi ca Ocja da perdonabi digue ca bi dyøtiju. <sup>17</sup>Nu cam Tzi Jmuju jin gá jieguitsje gri ddatsje. Guegue bi hmöh madé, bi guxqui pu jáy dye cum contra, pa jin dá tu. Guejtjo bi möxqui co cár tzi poder, cja ncjaru gá jogui xtá tungui cár palabra ca Ocja, xtú xijmu göhtjo cu cjahni cu jin gui judio. <sup>18</sup>Cja dí padi, da segue da möxqui cam Tzi Jmuju, da gúzqui göhtjo cu rá nttzo, cja da mezqui rá zö pa gu tzøm pu jabu bí mandado guegue. Rí ntzöhui gu jøjtibiju cam Tzi Jmuju Jesús göhtjo ur tiempo, ni jabu drí tzöya. Amén.



**Saludos y bendición final**

<sup>19</sup>Dí pempi nzengua car Prisca co car Aquila, guejti quí familia car Onesíforo. <sup>20</sup>Nu car Erasto xpá ngoh pɛ Corinto. Car Trófimo dú tzoh pɛ Mileto, mí jnini. <sup>21</sup>Nuquigue, gu xøni gu ɛh tzɛ, ante que da mɛh cɛ zɛnɛ cɛ rá ntze. I

pɛnqui ir nzengua nɛr Eubulo, co nɛr Pudente, co nɛr Lino, co nɛr Claudia, cja guejti cɛ pé dda hermano.

<sup>22</sup>Nuque, Timoteo, gui yojmi cam tzi Jmujɛ Jesucristo, cja guegue da zeti qui quer tzi mɛy. Guí göhtjojɛ da möxquiguejɛ. Amén.